

В неделю на утрени.

По шестопсалмии.

Бог Господь, и явился нам: на глас 5: и глаголем тропарь воскресный: Собезначальное Слово Отцу: дважды. Слава и ныне: Богородичен: Радуйся Двере Господня Непроходимая: Таже, обычная стихология Псалтира.

Тропарь воскресный, глас 5.

Собезначальное Слово Отцу и Духови,/ от Девы Рождшееся на спасение наше,/ воспойм, вернии, и поклонимся:/ яко благоволи плотию взыти на Крест,/ и смерть претерпети,/ и воскресити умершия// славным Воскресением Своим.

Богородичен, глас 5:

Радуйся, Двере Господня непроходимая:/ радуйся, Стено и Покрове притекающих к Тебе./ Радуйся, Необуреваемое Пристанище, и Неискусобращная,/ Родшая плотию Творца Твоего и Бога:/ молящи не оскудевай о воспевающих,// и кланяющихся Рождеству Твоему.

Степенна, глас 5. Антифон 1.

Внегда скорбети мне, Давидски пою Тебе Спасе мой: избави душу мою от языка лъстиваго.

Пустынным живот блажен есть, Божественным рачением воскриляющимся.

Слава: Святым Духом одержатся вся, видимая же с невидимыми: Самодержавен бо сый, Троицы Един есть неложно.

И ныне, тойже.

Прокимен, глас 5: Воскресни Господи Боже мой, да вознесется рука Твоя, яко Ты царствуеши во веки. **Стих:** Исповемся Тебе Господи, всем сердцем моим.

Ирмосы воскресного канона, глас 5:

Песнь 1:

Коня́ и всадника в море Чермное, / сокрушая́ брани / мышцею высоко́ю, /
Христос истра́се, / Изра́иля же спасе́, // победную́ пѣснь пою́ща.

Песнь 3:

Водрузи́вый на ничесомже землю́ повелѣнием Твои́м, / и повѣсивый
неодержимо́ тяготе́ющую / на недвижимем, Христе, камени́ заповедей
Твои́х, / Церковь Твою́ утверди́, // Едине́ Бла́же и Человеколю́бче.

Песнь 4:

Божѣственное Твое́ разумев исто́щание / прозорли́во, Аввакум, Христе, со
трепетом вопи́яше Тебе́: / во Спасение́ люде́й Твои́х // спасти́ помазанныя Твоя́
прише́л еси́.

Песнь 5:

Оде́йся Светом, яко́ ризо́ю, / к Тебе́ утреннюю, и Тебе́ зову́: / душу́ мою
просвети́ омраче́нную, Христэ́, // яко́ Еди́н Благоутро́бен.

Песнь 6:

Неисто́вствующее́я бурею́ душетле́нною, / Влады́ко Христе, страстей мо́ре
укроти́, // и от тли возведи́ мя, яко́ Благоутро́бен.

Песнь 7:

Превозноси́мый отце́в Госпо́дь / пла́мень угаси, отроки ороси, согласно́
пою́щия: // Бо́же, бла́гословѣн еси́.

Песнь 8:

Тебе́, Вседѣ́телю, / в пещи́ отроцы, всемирный лик сплетше, по́яху: / дела́
всякая, Господа́ по́йте // и превозноси́те во вся́ веки.

Песнь 9:

Иса́ие, ликуй, Де́ва име́ во чре́ве / и роди́ Сына́ Емману́ила, / Бога́ же и
Челове́ка, / Востокъ́ и́мя Ему́, // Его́ же велича́юще, Де́ву ублажа́ем.

На Хвалитех, глас 5:

Всякое дыхание да хвалит Господа./ Хвалите Господа с небес,/ хвалите Его в вышних.// Тебе подобает песнь Богу.

Хвалите Его вси ангели Его,/ хвалите Его вся силы Его.// Тебе подобает песнь Богу.

1. Стих: Сотворити в них суд написан:/ слава сия будет всем преподобным Его.

Господи, запечатану гробу от беззаконников,/ прошел еси из гроба, якоже родился еси от Богородицы:/ не уразумеша, како воплотился еси, безплотнии Твои ангели:/ не чувствовала, когда воскресл еси, стрегущии Тя воины./ Обою бо запечатлестася испытующим,/ явися же чудеса кланяющимся верою тайнству:/ еже воспевающим,// воздаждь нам радость и велию милость.

2. Стих: Хвалите Бога во святых Его,/ хвалите Его в утверждении силы Его.

Господи, верей вечныя сокрушив,/ и узы растерзав,/ от гроба воскресл еси,/ оставль Твоя погребальная,/ во свидетельство истиннаго тридневнаго Твоего погребения:/ и предварил еси в Галилеи, в пещере стрегомый./ Велия Твоя милость, Непостижимо Спасе,// помилуй и спаси нас.

3. Стих: Хвалите Его на силах Его,/ хвалите Его по множеству величества Его.

Господи, жены текоша на гроб,/ видети Тя, Христа, нас ради пострадавшего,/ и пришедша, обретоша ангела на камени сидяща,/ страхом отвальшемся,/ и к ним возопи, глаголя:/ воскресе Господь, рцыте учеником,/ яко воскресе от мертвых,// спасаяй души наша.

4. Стих: Хвалите Его во гласе трубнем,/ хвалите Его во псалтири и гуслех.

Господи, якоже изшел еси от запечатаннаго гроба,/ тако вшел еси и дверем заключеным ко учеником Твоим,/ показуя им телесная страдания,/ яже подъял еси, Спасе Долготерпеливый:/ яко от семени Давидова язвы претерпел еси,/ яко Сын же Божий, мир свободил еси./ Велия Твоя милость, Непостижимо Спасе,// помилуй и спаси нас.

Тропарь воскресный, глас 5:

Днесь Спасение миру бысть,/ поем Воскресшему из гроба,/ и Начальнику жизни нашея:/ разрушив бо смертию смерть,// победу даде нам и велию милость.

На Литургии.

Блаженна, глас 5:

Разбойник на кресте Бога Тя быти веровав, Христе, исповеда Тя чисте от сердца, помяни мя Господи, вопия, во Царствии Твоем.

Стих: Блажени чистии сердцем, яко тии Бога узрят.

Иже на древе крестнем жизнь процветшаго роду нашему, и изсушивша юже от древа клятву, яко Спаса и Содетеля согласно воспоим.

Стих: Блажени миротворцы, яко тии сынове Божии нарекутся.

Смертию Твоею Христе, смертную разрушил еси силу, и совоздвигл еси иже от века умершия, Тя поющия истиннаго Бога и Спаса нашего.

Стих: Блажени изгнани правды ради, яко тех есть Царство Небесное.

На гроб Твой Христе, пришедша жены честныя, искаху Тя Жизнодавче миропомазати, и явился им ангел вопия: воскресе Господь.

Стих: Блажени есте, егда поносят вам, и ижденут, и рекут всяк зол глагол на вы лжуще Мене ради.

Распеншу Тя ся Христе, посреде двою осужденною разбойнику, един убо хуля Тя, осужден бысть праведне: другий же исповеда Тя, в рай вселися.

Стих: Радуйтесь и веселитесь, яко мзда ваша многа на небесех.

Ко апостолов лику пришедша жены честныя, возопиша: Христос воскресе, яко Владыце и Содетелю Тому поклонимся.

Слава: Троицен: Троице Нераздельная, Единице Вседетельная и Всесильная, Отче, Сыне и Святый Душе, Тебе поем Истиннаго Бога и Спаса нашего.

И ныне: Богородичен: Радуйся одушевленный Храме Божий и Врата Непроходимая: радуйся неопалимый и огнеобразный Престоле: радуйся Мати Еммануила, Христа Бога нашего.

Тропарь воскресный, глас 5:

Собезначальное Слово Отцу и Духови,/ от Девы рождшееся на Спасение наше,/ воспоим, вернии, и поклонимся;/ яко благоволи Плотию взыти на Крест,/ и смерть претерпети,/ и воскресити умершия// славным воскресением Своим.

Кондак воскресный, глас 5:

Ко аду, Спасе мой, сошел еси,/ и врата сокрушивый яко всемогущий,/ умерших, яко Создатель, совоскресил еси,/ и смерти жало сокрушил еси,/ и Адам от клятвы избавлен бысть, Человеколюбче;/ темже вси зовем:// спаси нас, Господи.

Прокимен, воскресный, глас 5: Ты, Господи, сохраниши ны, и соблюдеши ны/ от рода сего и во век.